

INUIT ATAQATIGIIT INATSISARTUNI



9. Oktober 2023

Inatsisartut Suleriaasianni § 37 naapertorlugu Naalakkersuisunut apeqquitit imaattut matumuuna saqqummiuppavut.

Naalakkersuisunut apeqquitit:

- **Nutaasumik umiarsuakkt Tasiilamut pilersuineq Naalakkersuisut qanoq malinnaavigitigaat?**
- **Pilersuineq nutaaq naammaginarsimangippat, Naalakkersuisut pitsanngorsaatisamik takorluugaqarpas?**

(Inatsisartunut Ilaasortat Harald Binco Inuit Ataqatigiit)

Tungavilersuut:

Naluneqanngitsutut Tasiilamuinnaq pajuttuisussamik pilersuisumik immikkut umiarsualiisoqarnikuuvoq, tamatuma kinguneraa aasap ingerlanerani akulikinnerusumik umiarsuaqartalerneq.

Tasiilamiuulluta soorunami maluginiagaqarpugut assigiingitsunik naammaginanneqisunik.

Nioqqutissat tamarmik DK-mit Tasiilamukartut Islandimut assartorneqaqqaarput. Tassanilu immikkoortiteriarlugit Tasiilamut kingornalu aamma immikkoortiteqqeriarlugit nunaqarfitsinnut anngunneqartarlutik. Tamatuma kinguneraa, ingammik asiujasut (naatitat assigisaallu), amerlanerit ajortereersut Tasiilamut annguttarneri. Tikiunneqartartullu ima annikitsigisarput ullualuinnaat pisiniarfipput pisiassaateqartarluni, sivirusumillu utaqqeqqarluni ilisiviit immimineqqittarlutik. Kiisalu pisiassanik allanik, immikkut taajunngikkaluarlugit, nunguutsisarneq kipuiluttunaqisumik annertusiartuinnarpoq. Allatut oqaatigalugu pisiniarfipput imaarukkiartuinnavippoq.

Immikkut umiarsualigaanerput Tasiilami nuanaarutigeqisarput pakatsinermik annertuumik, kiisalu ukiornisaanut qaammatinik arfinilinnik umiarsuaqanngiffissamut ernumanermik annertuumik, pilersitsivoq. Tasiilarmiuulluta neriuutigigaluaqaarput ukiortinnagu aaqiisoqassasoq.

Apeqquteqaatit ullut suliffiit qulit qaangiutsinnagit akineqarnissaat kissaatigaara.